

Script of Evening Gojri News Bulletin 02 September 2024 at 1700 Hrs

ایوننگ گو جری نیوز بلیٹن مورخہ 02 ستمبر 2024

یوہ آکا شوانی جموں ہے محبوب سلطانی تے غلام سرورتیں خبر سٹو۔ پہلاں خاص خاص خبر۔

*1۔ وزیر اعظم نریندر مو دی پلک تیں برونائی تے سنگا پور غا 3 روزہ دورہ ور روانہ وین گا۔

*2۔ آج جموں غا سنجواں کیمپ ور دہشت گردانہ حملہ مانہ اک فوج جوان شہید ہو گویا۔

*3۔ حفاظتی دستاں نے ضلع سانہ غا رام گڑھ سیکٹر تیں اسلحو تے گولی سکو برآمد کیو ہے۔

*4۔ تے شری ماتا ویشنو رستہ ور پسی پین غی وجہ سنگا 2 یا تریاں غی موت جد کہ 1 نابالغ گدڑی شدید طور ور زخمی ہو گئی ہے۔

خبراں غی تفصیل نال پہلاں محبوب سلطانی۔

PM Burnei Singapore Visit

وزیر اعظم نریندر مو دی پلک برونائی تے سنگا پور غا روزہ دورہ ور روانہ وین گا۔ آج نوی دہلی مانہ ذرائع ابلاغ غا نمائنداں سنگ گل کرتاں واں سیکریٹری ایسٹ جے دیپ مجمودار نے دسیو ہے جے وزیر اعظم برونائی غا سلطان حاجی حسنل بو لکیہ غی دعوت ور 3 اور 4 ستمبر ناہہ برونائی غو دورو کریں گا۔ اس ضمن مانہ انہاں نے مزید دسیو ہے جے یوہ کسے وی بھارتی وزیر اعظم غو برونائی غو پہلو دو طرفہ دورو وے گو۔ تاہم جناب مو دی غو یوہ دورو بھارت تے برونائی غے بشکار سفارتی تعلقات غا قیام غی 40 وین سالگراہ گا موقعہ ور ہے۔ سیکریٹری موصوف نے مزید دسیو جے سلطان حاجی حسنیل بولکیہ نے سال 1992 تے 2008 مانہ بھارت غو سرکاری دورو کیو تھو۔ تے وے سال 2012 تے 2018 مانہ آسیان بھارت گا یا دگاری اجلاس مانہ وی شامل ہوا تھا۔ اس دورہ غے دوران وزیر اعظم مو دی برونائی سنگ دو طرفہ تعلقات اور تعاون ور گل بات کریں گا۔ بھارت برونائی سنگ دوستانہ تعلقات ناہہ بکھ بکھ شعباں بشمول دفاع، تاجر، سرمایہ کاری، توانائی، فلائی ٹیکنالوجی تے دیگر مانہ مزید بدھان غو خیر خواہ ہے۔ جناب مجمودار نے دسیو جے برونائی مانہ بھارتیاں غی تعداد 14 ہزار ہے جس مانہ خاصی تعداد ڈاکٹراں تے اساتذہ غی شامل ہے۔ جنہاں نے برونائی غی معیشت تے سماجی کم کاج مانہ اپنی خدمت پیش کر غے خاصی عزت کمائی ہے۔ اپنا دورہ غا دوچا مرحلہ مانہ وزیر اعظم سنگاپور غا اپنا منصب غی دعوت ور 4 تے 5 ستمبر ناہہ سنگا پور گو دورو کریں گا۔ دوئے رہنما سنگا پور سٹریٹجک شراکت داری ور ہوئی پیش رفت غو جائزولیں گاتے اس تیں علاوہ علاقائی تے عالمی دقتاں ور سانجھا طور ور گل بات کریں گا۔ جناب مجمودار نے دسیو ہے جے وزیر اعظم مو دی سنگا پور غو دورو تقریباً 6 سال بعد کر رہیا ہیں۔

Terror Attack

ضلع جموں مانہہ اج سنجواں فوجی کیمپ ور ہوا دہشت گردانہ حملہ مانہہ اک فوجی جوان شہید ہو گیو ہے۔ مہارا آکاشوانی جموں غا نامہ نگار نے خبر ٹوری ہے جے آج جموں غا سنجواں علاقہ مانہہ فوجی پوسٹ ور دہشت گردانے حملو کیو۔ جس مانہہ اک فوجی جوان زخمی ہو گیو۔ تاہم زخمی فوجی جوان نانہہ تا ولین ہی علاج و معالجہ خاطر ہسپتال ٹوریو جت وہ زخماں غی تاب نہ لاتاں واں دم توڑ بیٹھو۔ فوجی اہلکاراں نے جوابی کا روائی کی تے فوری طور ور علاقہ مانہہ بڑا پیمانہ ور تلاشی آپریشن شروع کر دتو۔ اک دفاعی ترجمان نے دسیو ہے جے کجھ اک گولیاں غی آواز سنن ہوئی تے خاموشی چھا گئی۔ تاہم حملہ آوراں با رے سولان واسطے علاقہ مانہہ تے خاص طور ور اچی عمارتاں مانہہ بڑا پیمانہ ور تلاشی شروع کی گئی۔ جد کہ علاقہ غی فضائی نگرانی واسطے ڈرون غو استعمال وی کیو جا رہیو ہے۔ تاہم فوج ور دہشت گردانے طرفوں حملہ غے چلتیں جموں نانہہ پہلاں ہی توں چوکسی ور رکھیو گیو ہے۔

Arms Ammunition Samba

حفاظتی دستاں نے اج ضلع سانبہ مانہہ گولی سکو با زیاب کیو ہے۔ جس نانہہ ڈرون غے ذریعے اُس پارتوں علاقہ مانہہ پچایو گیو تھو۔ سرکاری ذرائع غے مطابق حفاظتی دستاں نے اج رام گڑھ سیکٹر مانہہ خفیہ ایجنسی غی رپورٹ توں بعد بڑا پیمانہ ور تلاشی آپریشن شروع کیو۔ تاہم اس تلاشی کا روائی غے دوران 3 پشتول تے دوجو گولی سکو بازیاب کیو گیو۔ اس ضمن مانہہ سرحدی حفاظتی فورس تے پولیس نانہہ چوکس کر دتو گیو تے مزید تلاشی کا روائی جا ری ہے۔ اس سلسلہ مانہہ مزید تفصیلات غی اڑیک ہے۔

Chouhan Agri sure

مرکزی وزیر برائے ذراعت کساناں غی بہبود تے دیہی ترقی شیوراج سنگھ چوہان پلک بھارتی ذراعت با رے تحقیقی ادارہ نوی دہلی مانہہ ایگری شیور فنڈ تے کریشی نویش پورٹل غو آغاز کریں گا۔ اس تیں علاوہ جناب چوہان ذراعتی ڈھانچہ با رے فنڈ آئی اے ایف دین آلی بینکاں تے ریاستاں نانہہ بہادری غا اعزاز توں وی نوازیں گا۔ یہ اعزاز بینکاں نانہہ اُن غی کا کردگی نانہہ مزید بہتر بنان غی ترغیب دیں گا۔ اس اعزازی تقریب مانہہ بکھ بکھ بینکاں تے ریاستاں غا نمائندہ وی موجود ویں گا۔ واضع رہ جے ذراعتی ڈھانچہ با رے فنڈ آئی اے ایف سکیم سال 2020 مانہہ شروع کی گئی تھی۔

Bio Energy Expo

سڑک ٹرانسپورٹ تے شاہراں غا مرکزی وزیر نتن گڈکری نے کہیو ہے جے با یو ایندھن غا شعبہ مانہہ بڑی صلاحیت ہیں تے یوہ شعبو بھارت غا ذرعی تے دیہی شعباں مانہہ اہم کردار ادا کرے گو۔ جناب گڈکری غو کہنو تھو کہ بھارت نانہہ دنیا غی تیجی سب تیں بڑی معیشت بنن غو ہدف حاصل کرن واسطے درآمدات نانہہ کھٹ کرن تے برآمدات نانہہ اضافو کرن غی ضرورت ہے۔ اس سلسلہ مانہہ اُنہاں نے متعلقہ گل غو ذکر بھارت با یو انرجی ٹیکنالوجی ور بین القوامی کا نفرنس غو افتتاح کرتاں کیو۔ اس دوران اُن غے ہمراہ پیٹرولیم تے قدرتی گیس غا وزیر ہر دیپ سنگھ پوری وی موجود تھا۔ جناب پوری نے اس گل ور زور دتو کہ توانائی پروگرام غے ذریعے حکومت غو مقصد ایندھن ور انحصار کھٹ کرنو۔ زر مبادلہ نہ بچانو تے صاف ستھرا، خود انحصار مستقبل نانہہ یقینی بنانو ہے۔ اُن غو کہنو تھو کہ ایتھنول غی ملاوٹ غی 2 ہزار 14 مانہہ شرح 1 عشاریہ 54 فیصد تیں بدھ غے

2024 مانہ 15 فیصد ہو گئی ہے۔ انہاں نے یقین ظاہر کیو کہ اکتوبر 2025 تک ملک مانہ ایتھنول غی ملاوٹ 20 فیصد تک پُچ جائے گی۔

SVEEP Rafting

ضلع انتظامیہ ریاسی نے ضلع چناؤ افسر وشیش مہاجن غی رہنمائی مانہ سویپ پروگرام غے تحت ووٹراں بشکار بیداری عام کرن تے شرکت نانہ فروغ دین با رے اک رافٹینگ یعنی دریا مانہ کشتی چلان آلاں غی تقریب منعقد کی۔ اس تقریب غو مقصد نوجواناں بشکار آتا اسمبلی انتخابات مانہ ووٹ غی اہمیت نانہ اُجاگر کرنوتھو۔ اس تقریب مانہ شریک بون آلا رافٹینگ غا تجربا توں لطف اندوز ہوا۔ اس غے نال نال انتخابی عمل تے قوم غا مستقبل مانہ اپنا کردار پا وے وی سیکھیو۔ اس ضمن مانہ ضلع چناؤ افسر وشیش مہاجن نے ہر اک ووٹ غی اہمیت نانہ اُجاگر کیو تے انہاں نے نوجواناں توں اپیل کی جے ویں جمہوری نظام مانہ اپنی ذمہ داری نانہ پوری طرح ادا کریں۔ انہاں نے مزید دسیو جے سویپ پروگرام غے تحت تحصیل تے بلاک سطح ور پروگرام منعقد کیا جا رہیا ہیں تانجے ووٹراں غی بڑی تعداد مانہ شرکت تے بیداری نانہ عام کیو جا سکے۔

یہ خبر تم آکاشوانی جموں تیں سن رہیا ہیں خبراں گا باقی حصہ نال غلام سرور۔

Landslide SMVD

ماتا ویشنو دیوی رستہ ور پنچھی ہیلی پیڈ غے نیڑے پسی پین غی وجہ سنگ 2 یا تری خواتین غی موت جد کہ اک نابالغ بچی شدید طور ور زخمی ہو گئی ہے۔ مہارا نامہ نگار نے اطلاع دتی ہے جے یوہ واقعہ دوپہر 2 بج غے 45 منٹ غے قریب اس وقت پیش آیو جد پسی پین غی وجہ سنگ اک بڑی چٹان رستہ ور پے گئی۔ جس غا نتیجہ سنگ اک یا تری غی موقعہ ور ہی موت واقع ہو گئی تے دو دیگر یا تریاں نانہ شدید چوٹ آئی۔ اس سلسلہ مانہ زخمیاں وچوں اک بعد مانہ زخماں غی تاب نہ لاتاں واں چل بسی جد کہ دوج اک نابالغ گدڑی ہسپتال مانہ زیر علاج ہے۔ اس پسی پین تے پتھر آن غی وجہ سنگ مندر غو رستو بند ہو گیو۔ اس موقعہ ور شری ماتا ویشنو دیوی شرائین بورڈ غو قدرتی آفات نال نمڑن آلو عملو موقع ور پُچ کیو ہے۔

CEO SVEEP

جموں کشمیر اعلیٰ چناؤ دفتر غی طرفوں اج پدم شری پدما سچدیو کواتین سرکاری پی جی کالج گاندھی نگر جموں مانہ سویپ پروگرام غے تحت اک ٹکٹ ناٹک منعقد کیو۔ اس دوران سویپ غا نوڈل افسر اختر حسین قاضی، ذرائع ابلاغ با رے نوڈل افسر سپنا کوتوال موجو دتھا۔ اس پروگرام مانہ افسراں نے طلباء نانہ آگاہی فراہم کی جس غو مقصد جموں کشمیر یوٹی مانہ سویپ سرگرمیاں غی رسائی نانہ مضبوط کر نوتھو۔ اس پروگرام مانہ ووٹراں غی اہمیت ور وی توجہ مرکوز کی گئی تے خاص طور ور طلباء ور جہیڑا کہ پہلی بار اپنا ووٹ غو استعمال کریں گا۔

Election JK

جموں کشمیر مانہ آن آلا اسمبلی انتخابات با رے پدم شری ڈاکٹر جتندر اُدھم پوری نے کہیو ہے کہ ہم سب نانہ بڑا جوش و خروش سنگ چناؤ مانہ حصو لینو چاہیے۔ انہاں نے کہیو خاص کر 18 سال تیں زیا دہ عمر غا تمام نوجوان ان انتخابات مانہ بانڈے آویں تے

اپنو ووٹ کھل گئے اپنی پسندیدہ حکومت بناویں۔ ڈاکٹر جتندر ادھمپوری نے اس طرح کہیو۔۔۔بانٹ۔۔۔ دو جے پا سے پدم شری بلونت ٹھاکر نے کہیو ہے کہ نوجوانان واسطے اس تیں بڑو موقعو کوئی نہیں۔ انہاں نے عوام تیں اپیل کی کہ وے اس انتخابات مانہ آگے آویں اور اپنو ووٹ کھل گئے جمہوریت نانہ مضبوط بناویں۔ انہاں نے اس طرح کہیو۔۔۔بانٹ۔۔۔

DEO Poonch

ضلع چناؤ افسر پونچھ وکاس کونٹل نے اج ضلع پونچھ گا متا سارا پولینگ سٹیشن گومعائینو کیو۔ اُن گا دورہ غومقصد آئندہ انتخابات نانہ پُر امن کروان بارے ضروری سہولیات غی فراہمی نانہ یقینی بنانو تھو۔ اس دورہ غے دوران چناؤ افسر نے ذاتی طور ور ہر پولینگ اسٹیشن ور انتظامات تے سہولیات غو جائزو لیو۔ انہاں نے ووٹر دوست ماحول بنان غی اہمیت ور زور دتو۔ ان مانہخاص طور ور قبضہ لکیر غے نیڑے حساس علاقان مانہ پولینگ اسٹیشن وی شامل ہیں۔ مہارا ضلع نامہ نگار سنگ گل کرتاں وان چناؤ افسر نے اس طرح کہیو۔۔۔ بانٹ۔۔۔

DEO Samba

ضلع چناؤ افسر سانہ راجیش شرما تے ایس ایس پی سانہ ونے شرما نے اجا اسمبلی حلقہ وجے پور گا پولینگ سٹیشن غو اک جامع معائینو کیو۔ اس معائینہ غے دوران متا سارا پولینگ سٹیشن غو احاطو کیو گیو۔ جن مانہ تھلو ری گجران، رایا بدھوری، سمیلپور وغیرہ شامل ہیں۔ اس معائینہ غومقصد آن آلا اسمبلی انتخابات واسطے پولینگ اسٹیشن غی تیاریاں تے سہولیات بارے جانکاری حاصل کرنی تھی۔ اس دورہ غے دوران گل بات کرتاں وان ضلع چناؤ افسر راجیش شرما نے اس طرح کہیو۔۔۔ بانٹ۔۔۔

SVEEP Kishtwar

الیکٹورل لٹریری کلب سویپ تے کالسری ترقیات سیل گو رمنٹ ڈگری کالج کشتواڑ غی این سی سی کالسری وینگ نے نوڈل افسر سویپ کشتواڑ غا تعاون سنگ جمہوریت نانہ مضبوط کرن غی اہمیت بارے اک روزہ مباحثہ غو انعقاد کیو گیو۔ مہارا ضلع نامہ نگار سنگ گل کرتاں وان ڈگری کالج غی این سی سی کنوینر ڈاکٹر تبسم سلیم نے اس طرح کہیو۔۔۔ بانٹ۔۔۔

اس غے نال ہی خبراں غو یوہ بلیٹن ختم ہوؤ۔